



Kumtazama Kristo

Kama Mungu alivyosema, ya kwamba, Nitakaa ndani yao, na kati yao
 Knitatembea, nami nitakuwa Mungu wao, nao watakuwa watu wangu.—2
Wakorintho 6:16.

Akili inapotulia juu ya Yesu, tabia inafinyangwa ili ifanane na ya Mungu. Mawazo yanatawaliwa na hisia ya wema Wake, upendo Wake. Tunaitafakari tabia Yake, na kwa namna hiyo anatawala mawazo yetu yote. Upendo Wake unatuzingira.

Ikiwa tutalitazama jua hata kwa muda mfupi tu katika utukufu Wake wa meridiani, tunapogeuza macho yetu mbali, sura ya jua itaonekana katika kila kitu tunachokitazama. Hivyo ndivyo inavyokuwa tunapomtazama Yesu; kila kitu tunachokiangalia kinaakisi sura Yake, aliye Jua la haki. Hatuwezi kutazama kitu kingine chochote wala kuongea kitu kingine chochote. Sura Yake imewekwa kwenye jicho la roho na kuathiri kila sehemu ya maisha yetu ya kila siku, ikilainisha na kutiisha asili yetu yote. Kwa kutazama, tunafanana na Mungu, hata kufikia sura ya Kristo. Kwa wote tunaoshirikiana nao tunaakisi miale angavu na uchangamfu ya haki yake. Tumegeuzwa tabia; kwa maana moyo, nafsi, akili, hutiwa nuru kwa kuakisi toka Kwake Yeye aliyetupenda na kujitoa kwa ajili yetu. Hapa tena kuna utambuzi wa mvuto wa binafsi, ulio hai unaokaa ndani ya mioyo yetu kwa imani.

Maneno ya maagizo Yake yanapokuwa yamepokelewa, na kututawala, Yesu anakuwa kwetu uwepo wa kudumu, akiongoza mawazo, nia na matendo yetu. Tunakuwa tumejazwa na mafundisho ya Mwalimu bora kabisa kupata kufahamiwa na ulimwengu. Hisia ya uwajibikaji wa kibinadamu na ushawishi wa kibinadamu hutoa tabia katika mitazamo yetu ya maisha na majukumu ya kila siku. Yesu Kristo ni kila kitu kwetu—wa kwanza, wa mwisho, na aliye bora katika kila kitu. Yesu Kristo, Roho Wake, tabia Yake, hufanya kila kitu kuwa kizuri; ni msingi muhimu wa muundo halisi wa utu wetu wote. Maneno ya Yesu ni roho tena ni uzima. Hatuwezi, tena, kuitumainia nafsi; sio sisi tunaishi tena, bali Kristo aishiye ndani yetu, Naye ndiye tumaini la utukufu. Nafsi imekufa, lakini Kristo ni Mwokozi aliye hai.

Tukidumu kumtazama Yesu, tunaakisi sura Yake kwa wote wanaotuzunguka. Lazima tutakoma kufikiria juu ya maudhi yetu, au hata kuyazungumza; kwa maana picha ya kupendeza zaidi huvutia macho yetu—upendo wa thamani wa Yesu. Anakaa ndani yetu kwa neno la ukweli (Testimonies to Ministers and Gospel Workers, 388-390).

Tunao mwito mkuu katika Kristo Yesu; tunaiendeleza mbele kazi kubwa na takatifu, na Mungu anamwita kila mmoja wetu kuinua kiwango Chake machoni pa ulimwengu huu na kwa ulimwengu wa mbinguni, kwa uweza wa Bwana Yehova, ambaye ndani Yake mna “nguvu za milele” (Testimonies to Ministers and Gospel Workers, 388-390, 386).